



REPUBLIKA E SHQIPËRISË

BASHKIA KORÇË

Data 18.09.2025

PROCESVERBAL – Tipi i kontratës - Mall

PËR ARGUMENTIMIN DHE MIRATIMIN E SPECIFIKIMEVE TEKNIKE DHE KRITEREVE PËR KUALIFIKIM

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS:

“Blerje aparat fonie (për nevoja të QAK)”

KODI PËRKATËS NË FJALORIN E PËRBASHKËT TË PROKURIMIT (CPV):

Pajisje audio-vizuale 32321200-1

Materiale audio-vizuale 32321300-2

VLERA E FONDIT LIMIT:

1 243 178 (nje milion e dyqind e dyzet e tre mije e njeqind e shtatedhjete e tete) leke pa tvsh

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor BASHKIA KORCE ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Kandidati/ofertuesi duhet të dorëzojë:

a. *Formularin Përmbledhës të Vetëdeklarimit, sipas shtojcës 9*

b. *Sigurimin e Ofertës, sipas Shtojcës 4;*

Argumentimi: Kërkesat e mësipërme bazohen në nenet 76, 82 dhe 83 të LPP, nenit 26, të VKM nr. 285, datë 19.05.2021 “Për miratimin e rregullave të prokurimit publik”.

2. Kandidati/Ofertuesi duhet të dorëzojë:

2.1. Kapaciteti ekonomik dhe financiar:

2.1.1. Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore për vitet financiare 2022,2023,2024, ku vlera e xhiros për të paktën një nga vitet e periudhës së kërkuar duhet të jetë jo më e vogël se **40%** e vlerës të parashikuar të kontratës.

Argumentimi: Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe nenin 43, të VKM nr. 285, datë 19.05.2021 “Për miratimin e rregullave të prokurimit publik”.

Përcaktimi i vlerës së kërkuar argumentohet si më poshtë:

Ky kriter i sherben autoritetit kontraktor për njohjen e gjendjes financiare të operatorëve ekonomikë dhe të mundësisë së tyre për përmbushjen me sukses të kontratës, prandaj është kërkuar që vlera e xhiros të jete jo më e vogël se 40 % të vlerës të përlllogaritur të kontratës që prokurohet, që është brenda vlerës kufi të përcaktuar në nenin 43 pika 2c dhe nenin 55 të VKM nr. 285, datë 19.05.2021 “Për miratimin e rregullave të prokurimit publik”.

Përcaktimi i viteve të kërkuara për paraqitjen e vërtetimit të xhiros vjetore është bërë bazuar në nenin 43 pika 1 e VKM nr. 285, datë 19.05.2021 “Për miratimin e rregullave të prokurimit publik”, ligjin nr. 29/2023 Për Tatimin mbi të Ardhurat, Udhëzimit të Ministrit të Financave nr.5, datë 30.01.2006, "Për tatimin mbi të ardhurat", i ndryshuar, si dhe kërkesave të ligjit Nr. 25/2018 “Për kontabilitetin dhe pasqyrat financiare”.

AK në miratimin e këtij kriteri ka mbajtur në vëmendje Nenin 61 të ligjit Nr. 29/2023 “Për tatimin mbi të ardhurat”: 1. Çdo person, që i nënshtrohet këtij ligji, është i detyruar të deklarojë në organin tatimor të gjitha të ardhurat, qofshin ato të tatuara në çfarëdo mënyre apo të përjashtuara nga tatimi. Për personat fizikë që janë nën 18 vjeç deklarata tatimore bëhet nga kujdestari i tyre ligjor. 2. Deklarata tatimore vjetore dorëzohet në organin tatimor jo më vonë se data 31 mars e vitit pasardhës të vitit tatimor për të cilin dorëzohet deklarata.

2.2 Aftësitë teknike dhe profesionale:

2.2.1. Operatori ekonomik duhet të paraqesë dëshmi për furnizimet e mëparshme të ngjashme, të kryera gjatë tre viteve të fundit nga data e shpalljes të njoftimit të kontratës, në një vlerë jo më të vogël se **20 %** të vlerës së fondit të limit të kësaj kontrate.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës ose fatura tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe sasi të mallrave të furnizuara,

b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruar në organet tatimore, ku shënohen datat, shumat dhe sasi të mallrave të furnizuara.

-Per kontratat e realizuara si Bashkim Operatoresh, Operatori ekonomik ofertues duhet te paraqesë gjithashtu edhe Kontraten e Bashkimit te operatoreve ekonomikë.

-Per kontratat e realizuara si Nënkontraktor, Operatori ekonomik ofertues duhet te paraqesë gjithashtu edhe Kontratën baze ndërmjet Kontraktorit dhe Autoritetit Kontraktor si dhe Miratimin zyrtar si nënkontraktor i deklaruar nga ana e autoritetit kontraktor.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” dhe në nenin 55, pika 4/b), të VKM nr. 285, datë 19.05.2021 “Për miratimin e Rregullave të Prokurimit Publik”. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që furnizimet e mëparshme të ngjashme të jenë në vlerën jo më pak se 20 % të vlerës së fondit limit, që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që furnizimet e mëparshme të ngjashme të jenë në vlerën jo më pak se 20 % e vlerës të përlogaritur të kontratës që prokurohet, që është brenda vlerës kufi të përcaktuar në nenin 55, pika 4/b të VKM nr. 285, datë 19.05.2021 “Për miratimin e Rregullave të Prokurimit Publik”.

2.2.2 Operatori ekonomik pjesëmarrës, për realizimin e furnizimit -vendosjes së objektit të kontratës, duhet të disponojë personelin kryesor, i cili duhet **te figurojë në listëpagese të paktën për muajin e fundit** të deklaruar nga hapja e ofertave:

-1 (nje) inxhinier Elektronik,
si dhe

-1 (një) punonjës i trajnuar dhe i certifikuar për sitem fonie/ audio / audio-vizive ose ekuivalente

- Për inxhinierin elektronik duhet të paraqitet:
 - diploma përkatëse.
 - kontrata e punës e vlefshme
- Për punonjësin e trajnuar dhe të certifikuar për sitem fonie/ audio / audio-vizive ose ekuivalente duhet të paraqitet:

- 1 (një) Certifikatë, e lëshuar nga qendra formimi profesional publike ose private të licencuara, nga institucione arsimore të akredituara ose nga prodhues/distributorë zyrtarë ose qendra trajnimi të certifikuara ndërkombëtarisht, sipas fushës përkatëse;

Kjo kërkesë do të quhet e përmbushur gjatë fazës së ofertimit me plotësimin e formularit të vetdeklarimit sipas shtojcës 9 të DST. Bazuar në përcaktimet e nenit 26, pika 6, të VKM nr. 285, datë 19.05.2021, i ndryshuar “Përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuar me origjinalin”.

Argumentimi: Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” dhe nenit 40, pika 5/ b), të VKM nr.285, datë 19.05.2021 “Për miratimin e Rregullave të Prokurimit Publik”, me anë të këtij kriteri kërkohet që operatorët ekonomikë të dëshmojnë që kanë personelin e nevojshëm të kualifikuar për realizimin me sukses të objektit të prokurimit dhe/ose komponentët e tij. Konkretisht,

-Inxhinieri Elektronik: Projekti lidhet me instalimin e pajisjeve elektronike dhe audio profesionale në mjedise publike, ku cilësia e punës dhe siguria varen nga projektimi dhe vendosja korrekte. Prania e një inxhinieri elektronik siguron që vendosja, lidhjet elektrike dhe integrimi i sistemit të bëhen në përputhje me standardet teknike dhe të sigurisë.

Dokumentacioni i kërkuar: Diploma përkatëse garanton kualifikimin profesional dhe bazën teorike të nevojshme. Kontrata e punës siguron që personi është realisht pjesë e stafit të operatorit dhe është i angazhuar në mënyrë ligjore për realizimin e kontratës.

-Punonjësi i trajnuar dhe i certifikuar për sistem fonie/audio/audio-vizive: Instalimi dhe konfigurimi i sistemeve të fonisë dhe audio-vizive kërkon njohuri praktike të specializuara. Trajnimet e dedikuara sigurojnë njohje mbi teknologjitë aktuale, pajisjet specifike dhe standardet e zbatueshme.

Dokumentacioni i kërkuar: Certifikata e lëshuar nga: Qendra formimi profesional publike ose private të licencuara; Institucione arsimore të akredituara; Prodhues/distributorë zyrtarë ose qendra trajnimi të certifikuara ndërkombëtarisht. Ky përcaktim është gjithëpërfshirës dhe ofron mundësi të barabarta për operatorët ekonomikë që kanë staf të trajnuar nga burime të ndryshme.

-Kërkesa që personeli të figurojë në listëpagesa Garantimi se personeli i propozuar është realisht pjesë e strukturës së operatorit dhe jo vetëm formal. Kjo rrit seriozitetin e ofertës dhe shmanj përdorimin e CV-ve fiktive.

2.3. Kërkesa të tjera të veçanta për kualifikim

2.3.1 Operatori ekonomik duhet të paraqesë **autorizim prodhuesi ose autorizim distributori** për zerat e mallrave sipas tabelës së mëposhtme. Në rast se do të paraqitet autorizim distributori duhet të provohet dhe lidhja midis prodhuesit dhe distributorit, nepermjet kontratës ose dokumentit të angazhimit midis prodhuesit dhe distributorit. Secili nga dokumentat duhet të përmbajë të dhëna të plota të prodhuesit si: tel, fax, email, website, kjo e nevojshme për AK në rast verifikimi nga ana e tij. Autorizimi duhet të jetë i vlefshëm në momentin e hapjes dhe dorëzimit të ofertave si dhe origjinale ose fotokopje të noterizuara.

Tabela me zerat e mallrave per te cilat duhet te paraqiten autorizim prodhuesi ose autorizim distributori:

1.	F.V Altoparlant pasiv, 2-rugësh (2-Way)
2.	F.V Amplifikator profesional për sistem audio publik
3.	F.V Mikser DJ

Argumentimi: Kërkesa e mësipërme është përcaktuar bazuar në nenin 77 pika 4 të ligjit nr.162, datë 23.12.2020 “Për prokurimin publik”, i ndryshuar; pika 8, e nenit 40, të VKM-së Nr. 285 datë 19.05.2021 “Për miratimin e rregullave të prokurimit publik, i ndryshuar ku është e cituar: *8.Autoriteti/enti kontraktor, përveç kërkesave të parashikuara në këtë nen, mund të përcaktojë kritere të tjera të veçanta, në varësi të objektit që prokurohet, të cilat i vlerëson të nevojshme për ekzekutimin me sukses të kontratës*”, si dhe duke iu referuar për analogji vendimeve të KPP-se dhe rekomandimeve të APP-se, Autoriteti Kontraktor ka gjykuar që të paraqitet autorizim prodhuesi ose autorizim distributori për disa mallra objekt prokurimi.

Autorizimi i prodhuesit është një dokument i rëndësishëm, pasi përveçse tregon kanalin zyrtar të origjinës së mallrave/licensimeve specifike që kërkohen në këtë prokurim, i garanton gjithashtu AK se ofertuesi është i autorizuar edhe nga pikëpamja territoriale (pra për Shqipërinë) për ofrimin tek AK të këtyre produkteve. Kjo garanci lidhet njëkohësisht edhe me treguesit cilësorë të produkteve që kërkohen të blihen e që janë prodhuar/krijuar sipas standardeve më të larta nga prodhues të zyrtarizuar. Ky kriter është jo diskriminues, është në përpjesëtim me natyrën dhe përmasat e kontratës dhe lidhet drejtpërdrejtë me reputacionin dhe besueshmërinë e OE ofertues për aftësitë shitëse dhe teknike. Kjo kërkesë i shërben autoritetit kontraktor për njohjen e kapaciteteve tekniko-profesionale të OE-së për përmbushjen me sukses të kontratës, duke vërtetuar se disponojnë autorizimet përkatëse për furnizimin e produkteve, objekt i kontratës, të lëshuara nga prodhuesit/distributorët përkatës si dhe që do vijojnë për të zbatuar kushtet e garancisë.

Kërkesa për paraqitjen e autorizimit të prodhuesit ose të distributorit është vendosur vetëm për produktet e listuara në tabelë, pasi këto pajisje përbëjnë elementët kryesorë dhe më të rëndësishëm të produktit që do të furnizohet, si nga pikëpamja e funksionalitetit ashtu edhe e vlerës ekonomike në kuadër të kontratës. Bëhet fjalë për pajisje elektronike dhe audiovizive të specializuara, të cilat kanë një rol qendror në sigurimin e performancës së sistemit të përgjithshëm, dhe që kërkojnë cilësi të garantuar, standarde të certifikuara dhe përputhshmëri teknike me komponentët e tjerë të sistemit. Duke qenë se këto pajisje janë elementë kyç për funksionimin korrekt të gjithë instalimit, kërkesa për autorizim siguron që ato të jenë origjinale, të certifikuara dhe të përputhshme me kushtet teknike të kontratës, duke eliminuar riskun e furnizimit me produkte të pasigurta ose jo origjinale.

2.3.2 Në përputhje me specifikimet teknike si dhe preventivin Operatori ekonomik duhet të paraqesë katalog/katalogje ose **skeda teknike per te gjitha zerat e mallrave** objekt ne kete procedure prokurimi, te cilat duhet te perputhen me pershkrimin e bere ne specifikimet teknike. **Në katalog apo skedat teknike, duhet të markohen (për lehtësi identifikimi) artikujt dhe specifikimet teknike sipas atyre të kërkuara në specifikimet e hartuara nga grupi i punës.**

Ne rast se dokumentet e mesiperme jane në gjuhë të huaj ato duhet të shoqërohen me një përkthim të noterizuar në gjuhën shqipe.

Argumentimi: Vendosja e kriterit të sipërcituar është vënë në mbështetje të nenit 40 pika 6 gërma b) të VKM nr.285, datë 19.05.2021 “Për miratimin e rregullave të prokurimit publik” i ndryshuar parashikohet shprehimisht: Autoriteti kontraktor mund t’u kërkojë operatorëve ekonomikë të dorëzojnë dëshmi, që tregojnë se ata i plotësojnë kërkesat minimale, të përcaktuara në dokumentet e tenderit, si: b) fotografitë apo **katalogjet teknike.**

Paraqitja e katalogëve të prodhuesve është e nevojshme në funksion të verifikimit të përputhshmërisë së produkteve me specifikimet teknike të AK me qëllim realizimin e kontratës me sukses. Paraqitja e katalogjeve për të gjitha zerat e mallrave, është kërkuar me qëllim verifikimin e përputhshmërisë së mallrave që operatori ekonomik oferton, me specifikimet teknike të percaktuara në DST.

2.3.3 Operatori ekonomik duhet të jetë i certifikuar me standardet:

ISO 9001:2015, ose ekuivalente, Për sistemin e menaxhimit të cilësisë

ISO 20000-1:2018, ose ekuivalente, Teknologjia e informacionit –Menaxhimit I Shërbimit

ISO 27001:2018, ose ekuivalente, Për sistemin e menaxhimit të sigurisë së informacionit

Çertifikata duhet të jetë lëshuar nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë.

* Termi "ekuivalent" përfshin edhe standartet SSH (nese disponohen) të adoptura nga DPA mbi bazën e atyre ndërkombëtare.

* Në rastet e Bashkimit të Operatorëve ekonomik, çdo anëtar i grupit duhet të paraqesë Çertifikatën ISO sipas zërave që do të marrë përsipër të realizojë referuar akt-marrëveshjes.

* Në rast se dokumentet e mesipërme janë në gjuhë të huaj ato duhet të shoqërohen me një përkthim të noterizuar në gjuhën shqipe.

Argumentimi: Kërkesa e mesipërme është përcaktuar bazuar në nenin 79, të ligjit nr.162/2020, datë 23.12.2020 "Për prokurimin publik" dhe nenin 44 të VKM nr.285, datë 19.05.2021 "Për miratimin e Rregullave të Prokurimit Publik".

Kërkesa për çertifikatat e mesipërme është konsideruar e nevojshme, duke patur parasysh natyrën dhe vlerën e objektit të prokurimit, për të vërtetuar se operatorët ekonomikë që do të marrin pjesë në këtë procedurë prokurimi përmbushin standartin e cilësisë për të cilën leshohet kjo çertifikatë me qëllim që autoriteti kontraktor të vërtetojë përmbushjen e kontratës në përputhje me standartet e cilësisë.

II. Argumentimi i specifikimeve teknike

Specifikimet teknike janë hartuar nga grupi i punës i ngritur me Urdherin Nr 55 datë 18.08.2025.

Argumentimi i specifikimeve: Specifikimet janë hartuar në përputhje me nenin 4, pika 38/b dhe nenin 36, të ligjit nr.162/2020 "Për Prokurimin Publik", si dhe nenin 40, pika 2, të VKM nr. 285, datë 19.05.2021 "Për miratimin e rregullave të prokurimit publik".

Specifikimet teknike shprehin tërësinë e parametrave dhe karakteristikave funksionale dhe teknologjike që **garantojnë cilësinë, sigurinë dhe qëndrueshmërinë e produktit**, si dhe përputhshmërinë e tij me infrastrukturën teknike aktuale të autoritetit kontraktor. Ato janë hartuar në përputhje të plotë me funksionet që produkti pritet të përmbushë. Konkretisht:

1. Altoparlant pasiv, 2-rugësh (2-Way)

Përdorimi në ambiente publike të hapura dhe të mbyllura kërkon pajisje të fuqishme, të qëndrueshme dhe rezistente ndaj kushteve atmosferike (pluhur, lagështi, rreze UV). Parametrat si fuqia minimale (40W

RMS), ndjeshmëria (≥ 95 dB) dhe mbrojtja IP65 sigurojnë shpërndarje të qartë të zërit në zona me publik të madh. Parametrat janë vendosur, pa referencë marke ose modeli, duke lejuar çdo prodhues që ofron pajisje me karakteristika të barasvlershme të marrë pjesë në tender.

2. Amplifikator profesional për sistem audio publik

Për të përballuar një numër të madh altoparlantësh, nevojitet amplifikator me fuqi të lartë (≥ 1500 W) dhe efikasitet të qëndrueshëm. Parametri i distorsionit ($\leq 0.05\%$ THD) garanton cilësi audio profesionale. Pajisja duhet të përputhet me tension standard (70V/100V) për kompatibilitet universal. Specifikimet janë të përgjithshme dhe të standardizuara ndërkombëtarisht, duke shmangur kufizimin tek marka të veçanta. Kjo hap mundësi të barabarta për operatorë të ndryshëm ekonomikë.

3. Kabllo altoparlanti – 2x2.5 mm²

Seksioni i përcaktuar i bakrit (2.5 mm²) është standard për transmetimin e sinjalit audio në sisteme me tension të lartë, duke garantuar humbje minimale të sinjalit dhe siguri elektrike. Rezistenca ndaj lagështisë, temperaturës dhe konsumit mekanik është domosdoshmëri për përdorim afatgjatë. Përshkrimi bazohet në tipologji teknike të përdorura gjerësisht, pa kufizuar origjinën apo markën, duke siguruar barazi mes furnitorëve.

4. Mikser DJ

Përdorimi i mikserit kërkohet për menaxhimin e burimeve të ndryshme audio gjatë aktiviteteve kulturore. Parametrat (4 kanale, hyrje mic/phono/line, SNR >80 dB) garantojnë fleksibilitet dhe cilësi audio të pranueshme për ngjarje publike. Specifikimet nuk kufizohen në modele të caktuara, por vetëm në nevojat funksionale minimale, duke lejuar pjesëmarrjen e gjerë të operatorëve.

5. Kabllo sinjali – XLR në XLR

Kërkohet për lidhje standarde profesionale audio (mikrofon, mikser, amplifikator), me gjatësi funksionale (150 cm) për instalim të lehtë. Parametrat janë bazuar në standarde universale (XLR), duke mos privilegjuar prodhues të caktuar.

6. Kabllo Jack në RCA

Siguron lidhjen e burimeve të ndryshme audio (laptop, pajisje multimediale) me sistemin kryesor. Gjatësia 150 cm është e mjaftueshme për fleksibilitet dhe përdorim praktik. Specifikimet janë standarde, duke siguruar akses të barabartë në tregun e gjerë të pajisjeve të këtij lloji.

Në çdo rast nëse janë përmendur marka prodhimi, burim specifik apo proces i veçantë do të pranohen edhe ekuivalenti i tij/saj

NJËSIA E PROKURIMIT